

水名曰金溜液

鐵華水

取鐵華治之以雲英鹽水澄令浥浥納竹筒中一斤加硝石二兩漆固口納甌瓶瓶醋中埋入地三尺四十五日成水名曰玄靈金慈
汝水可以仙

鉛缸水

以五勺蜚霜雪以合金翁華粉漆以雲英鹽水令浥浥納竹筒中一斤硝石二兩漆固口置甌瓶醋中埋入地三尺以馬通火煨之
三十日成水

缸水

治積雪滲以黃輕水銀令浥浥率一斤缸粉用水銀三兩納竹筒中漆固口置甌瓶醋中埋入地三尺馬通火煨三十日成水名曰流靜深遠處按此方合萬无不成也

高起曰當先投漬酒五石於所止流水之中若地無流水當作井如上投酒於井中以鎮地氣今學者皆飲食此水也發火贏火也頓火之者令糠火至際一寸也傳授神經皆約

法水六十三

齋盟用金魚一兩玉龍銀鏤以代剪髮軟血之誓今世無此物又不可虛涉乖儀令謹撫青布四十尺以准金魚之信帛絹四十尺以承銀環玉龍之約並奉有經之師師當將散施山栖之客不得自割以為身用所以明天約也永無私矣違盟則四極有法也

作丹忌日

春戊辰夏丁巳戊申巳巳丑未辰秋戊戌巳亥辛亥庚子冬戊寅巳卯癸酉未戌及壬丙戊丁亥土戊癸辛巳日建日殺反支无季孟仲季月收閉晦朔上朔八魁往亡留後日皆凶作藥不成矣作六一泥亦須擇日即吉

三十六水法